

第一章 區域

壹 沿革

禹貢揚州之域，春秋時屬吳，吳滅入越，越滅入楚，秦并天下屬會稽郡，漢因之，至東漢順帝之後隸吳郡，三國時屬吳。吳大帝分餘杭置臨水縣，又分富春置新城縣，既而廢。晉太康元年，改臨水縣爲臨安縣，時鹽官錢唐富陽隸吳郡。臨安餘杭於潛隸吳興郡。咸和中，恢復置新城縣，宋齊梁因之，陳置錢唐郡。隋開皇九年，平陳廢郡。割吳興吳郡之地置杭州。五代初治餘杭。未幾轉治錢唐，後改餘杭郡。唐置杭州，又改餘杭郡，乾元元年復爲杭州。五代時錢鏐建吳越國。宋仍改杭州餘杭郡，分治錢唐仁和二縣。建炎三年，升臨安府，統縣九，錢唐仁和餘杭臨安富陽於潛新城鹽官昌化。元改杭州路。明置杭州府。清因之，爲浙江省治。民國初年，廢府并仁和錢唐二縣爲杭縣，仍爲浙江省治。十六年，國軍底定浙江以後，五月間改杭州市。古稱臨安之杭州，一名武林，又名虎林，區域較廣；今則劃城區及附郭爲市區，鄉區仍稱杭縣。城垣甚廣，舊分內外二城。外城周三十五里有一千尺，開十門；內城舊爲駐防旗人所居，民國興，拆去其城闕爲市場。地居錢唐江下流北岸，當運河終點，爲全浙扼要地，我國政治文化藝術之中心。流風餘韻，千百年未衰。內包吳山，西臨西湖，風景靈秀，世所豔稱，外人嘗以東方日內瓦湖目之。若再加以人工整理，壯麗觀瞻，改良交通，及遊覽設備，則不難吸引世界遊客，成爲國際市。

杭州市指南 第一章 區域

二

杭州市政之創辦，發軔於辛亥革命以後。當時設有省會警察廳，及省會工程局，掌理公安警捐衛生及馬路工程等程事項；並在城西舊旗營一帶，拆除城垣，建築馬路，開闢市場。市政方面，略具雛形。迨民國十六年五月間，杭州市政廳始行成立。嗣奉國府令改廳爲府，分設財政工務公安教育公用衛生六局，掌理市財政工務公安教育公用衛生各項行政，並於府內設總務科，掌理文牘編輯會計庶務等事項；另設市參事會，爲諮詢及代議機關。劃定杭州所屬之城區，與西湖全部。東南沿海塘，至錢塘江邊開口一帶，西至天竺雲棲，北至笕橋湖墅及拱宸橋，爲市區範圍。是年八月，因市財政困難，奉省令裁撤財政教育公用衛生四局，以公用事項改歸工務局兼管，衛生事項歸併公安局辦理。嗣於府內增設財政教育工商三科。十七年四月，財政科復擴充爲局，同年七月，市組織法經國府公布以後。至九月遂奉令改組市政府，將總務科改爲祕書處，工商科改爲社會科，並將市參事會取消。十八年三月又增設土地衛生兩科，將公安局原有之衛生科裁撤。十九年四月，杭州市公安局改爲浙江省會公安局，直隸省政府。同年五月，市組織法經國府重行公布以後，依照市組織法分區原則，將全市劃分爲十三區。二十年一月，爲厲行緊縮起見，裁撤土地衛生兩科，以土地事項劃歸財政局管轄，衛生事項併入祕書處辦理。同年九月，財政工務改局爲科，並將衛生科恢復。現時市政府組織，計有祕書處，暨社會，地政，財政，工務，教育，衛生六科。附屬機關有自來水廠，市立病院，市立救濟院，市立綢業市場，及市立各教育機關。

第二章 勝蹟

壹 區域

杭州襟江帶湖，靈秀甲天下，已於上述。故遊覽者，不特吾國人士，近以交通便利，歐美諸國，慕名來遊者，亦頗不乏人。茲爲遊客遊覽便利起見，分區詳述，分全市爲西湖區，城市區，江干區，拱宸湖墅區，西溪區五大部。

甲、西湖區

一 攷註

我國西湖，共有三十一，以在杭州者爲最著名。三面環山，溪谷諸水，匯而爲湖。以在杭州之西，故名。初名錢湖，相傳漢議曹華信募人築塘，能致一斛土者，與錢一千，故名錢塘，亦稱錢唐湖。因湖中時見金牛，謂爲明聖之瑞，故又有明聖湖，與金牛湖之稱。以西湖名者，始見唐人別集。白居易作石函以洩湖水，又稱石函湖。其水之東北輸者，時人以爲下湖，又有上湖之稱。宋王欽若以全湖爲放生池，又有放生池之稱。蘇軾知杭州，取葑泥積湖中。爲長堤，截湖爲二，遂有裏湖外湖之名。蘇氏有若握西登比西子句，又有西子湖之稱。宋高宗南渡都此，西湖歌舞，盛極一時，又有銷金窩之名。明孫一元本李白與尙書張謂泛南湖於沔川，因改郎官湖故事，故又有高士湖之名。古樂府，西陵松柏下，謂卽指錢塘西湖。史達社又有般向西陵佳處放之句，因有西陵之稱，或稱西冷。中有長堤，卽蘇軾所築，稱蘇公堤，簡稱蘇堤。夾道雜植桃柳，中有六橋。明正德時，郡守楊瑛於裏湖西岸築堤，名楊公

堤，堤各開橋以通水。自北新路第二橋入靈穩天竺路爲趙公堤，以宋趙懿所築也。自斷橋至孤山爲白公堤，簡稱白堤，相傳唐白居易所築。民國十八年十月，西湖博覽會即舉行於此。以孤山裏西湖及岳廟爲會址，亦在歷史上值得紀念之一頁也。

二 形勢

西湖周約三十餘里，面積約占十六方里，三面繞山，谿谷縷注，下有澗泉百道，瀦而爲湖，蓄潔滄深，圓整若鏡。中有孤山，獨峙水中。山前爲外湖，後爲後湖。西接蘇堤，分湖爲二，東曰外湖，西曰裏湖，裏湖之北，有金沙堤分小部爲岳湖，南以嶼地分小部爲小南湖。湖水視之似淺，然積泥甚厚，輒不知底之深淺，故俗有香灰泥之稱。外湖中有三潭印月，湖心亭，阮公墩，形成品字。前時南有雷峯，北有保俶，兩塔對峙，相映成趣。今則雷峯已圯，保俶重修，不免形單影隻，頗有今昔之感也。自西湖博覽會閉幕後，於中山公園前湖中，獨樹一歐化之紀念塔以資留念。若登葛嶺初陽台，更可瞭然全湖形勢也。

西湖諸山，遠自仙霞，近則天目飛舞而來，聳峙於西，是謂天竺。自此而南而東，爲龍井，理安，南高，烟霞，大慈，玉岑，靈石，南屏，龍，鳳，吳，總稱曰南山；自此而北，爲靈隱，北高，仙姑，棲霞，寶雲，巨石，總稱曰北山。兩山環列，中抱西子，層巒疊嶂，怪石奇峯，洞壑流泉，溪澗竹徑，多在西南隅；而西北與西谿，東南與江干諸山，脈絡相接，登陟高峯，則錢江與全湖，杭市形勢，一覽無遺。

三 佳境